

Competencia di landamento na Jamaica

Seleccion di landamento CARIFTA a gana 36 medaya



Kingston, JAMAICA – Durante e tres anochi di competencia di CARIFTA na Jamaica, no por tabata miho pa nos dushi isla Aruba. E seleccion di Aruba di landamento a causa furor y euforia na The National Stadium Pool

na Kingston, permitiendop na Aruba keda mantene su posicion di 3 lug, entre e 16 isla y 345 atleta, net tras di e 2 islanan conoci pa nan excelente potencial y capacidad, Guadalupe y Trinidad y Tobago. Dialuna anochi, e seleccion a



Atletanan di CARIFTA cu a participa na Jamaica.



cera e anochi cu un conteo di 12 medaya mas; 7 oro – 2 plata – 3 brons, logrando asina un total di 36 medaya entre e 3 dianan di competencia. No por keda sin menciona tambe e recordnan cu nos atletanan ta logrando, tanto record di CARIFTA como record Arubano y hopi ta logrando mehora nan tempo personal. Expectativa ta hopi halto pa awe, cu ta e ultimo dia di competencia, ya cu e atletanan ta super motiva y yen di energia pa termina e competencia entre e 3 miho islanan di region.



Den e evento di 200m IM, Mikel Schreuders y Jordy Groters ta logra medaya di oro y Mikel ta logra kibra Record Carifta tambe. Daniel Jacobs ta logra medaya di plata, Keeley Maduro ta logra medaya di brons y Daniella van den Berg ta logra di 4 lug.

Den e evento di 50m Breaststroke, un biaha mas Mikel Schreuders y Jordy Groters ta logra medaya di oro, Brandon Cheong, den su debut ta logra medaya di brons, Anahi Schreuders ta logra di 4 lug, Daniel Jacobs na di 5 lug, Junice Martin na di 6 lug y George den Dunnen na di 6 lug.

Den e evento di 100m Freestyle, Flory Kock y Ally Ponson ta logra medaya di oro, Gaby Ponson ta sigui di biaha cu su medaya di plata y ambos ruman Ponson ta logra obtene Record di Aruba, Daniel Jacobs na di 5 lug, Ginayla Arends na di 6 lug, Tyreke Wernet na di 4 lug y Jordy Groters na di 6 lug.

Den e evento di 200m Fly,



Daniella van den Berg ta logra di 4 y Joseph Winterdal ta keda na di 5 lug. Den e evento di Relay 4x200m Freestyle, e mucha muhenan di 13-14 aña; Rebecca Maduro, Andrea van den Berg, Junice Martin y Ginayla Arends ta landa un tremendo evento, logrando nan medaya di brons. E mucha hombernan 13-14 aña; Patrick Groters, Tyreke Wernet, Edward Muller y Mikel Schreuders, ta bolter stadion, na momento cu nan a logra nan medaya di oro. E mucha muhenan di 15-17 aña; Gaby

Ponson, Cindy Maduro, Ally Ponson y Daniella van den Berg ta haci tur nan esfuerso y ta logra obtene e di 4 lug. Cada un di e atletanan a contribui na e puntuacion y logro aki, mescos cu esunnan cu ta logra nan medaya, pues un union y vibracion di deseo pa gana, ta loke ta reina entre e landadonan y awe nan ta cla pa bataya pa sigui obtene resultado positivo y exitoso, cu ta e ultimo dia di competencia. Pabien na e seleccion di CARIFTA cu a logra 36 medaya. □